

# ՍԱՂՄՈՍ 21

## ԺԱՄԱՆԱԿԱԿԻՑ ԹԱՐԳՄԱՆՈՒԹՅՈՒՆՆԵՐԻ ՍՏՐՈՖ ԲԱԺԱՆՈՒՄՆԵՐ

NASB	NKJV	NRSV	TEV	NJB
Փառաբանություն փրկության համար	Ուրախություն ՏԻՐՈՋ փրկությամբ	Պատերազմում Թա- գավորի հաղթանա- կից հետո գոհություն (համազոր է Սաղմոս 20-ին)	Փառաբանություն հաղթանակի համար	Թագադրման արարողության համար
<u>MT ներածություն</u>				
Գլխավոր երաժշտին, Դավթի սաղմոսը				
21:1-6	21:1-2	21:1-7	21:1-2	21:1-2
	21:3-4		21:3-4	21:3-4
	21:5-7		21:5-6	21:5-7
21:7-13			21:7-9բ	
	21:8-12	21:8-10		21:8-10
			21:9գ-12	
		21:11-12		21:11-12
	21:13	21:13	21:13	21:13

### ԸՆԹԵՐՑԱՆՈՒԹՅԱՆ ԵՐՐՈՐԴ ՑԻԿԼ («Սուրբ Գիրքը ճիշտ կարդալու ուղեցույց») ԸՍՏ ՊԱՐԲԵՐՈՒԹՅԱՆ ԲՆԱԳՐԻ ՀԵՂԻՆԱԿԻ ՆՊԱՏԱԿԻ ՀԵՏՔԵՐՈՎ

Սա սերտողության ուղեցույց մեկնություն է, որը նշանակում է, որ դուք եք պատասխանատու Աստվածաշնչի ձեր մեկնության համար: Մեզնից յուրաքանչյուրը պետք է քայլի իր ունեցած լույսի ներքո: Մեկնաբանության մեջ հերթականությունը հետևյալ կերպ է՝ դուք, Աստվածաշունչը և Սուրբ Հոգին: Դուք չպետք է այն զիջեք որևէ մեկնաբանի:

Մեկ անգամ նստելով կարդացեք ամբողջ գլուխը: Գտեք թեմաները: Համեմատեք ձեր թեմաների բաժինները հինգ ժամանակակից թարգմանությունների հետ: Պարբերությունները ներշնչանքով չեն կատարված, սակայն դրանք կարևոր են բնագրի հեղինակի նպատակին հետևելու համար, որը հանդիսանում է մեկնաբանության սիրտը: Յուրաքանչյուր պարբերություն ունի միայն մեկ թեմա:

1. Առաջին պարբերություն
2. Երկրորդ պարբերություն
3. Երրորդ պարբերություն
4. Եվ այլն

## ՀԱՄԱՏԵՔՍԱՅԻՆ ՀԱՄԿԱՅՈՒԹՅՈՒՆՆԵՐ

Ա. Սաղմոս 20 և 21 հավանաբար իրար հետ կապ ունեն։ Սաղմոս 20-ը պատարագային աղոթք է պատերազմում հաղթանակի համար և Սաղմոս 21-ը հաղթանակած Թագավորին և իր գինվորներին դիմավորելու աղոթք է։

Բ. Ուշադրություն դարձրեք հավանական պարբերություններին։ Համեմատելով պարբերության բաժանումները տարբեր անգլերեն թարգմանություններից, կարող ենք հաստատել, թե քանի գլխավոր ճշմարտություն է արտահայտվում այս սաղմոսում՝

1. NASB – 2
2. NKJV – 5
3. NRSV – 4
4. NJB – 6

Պարզ է, որ դժվար է համոզված լինել, թե ինչպես կարելի է տարբերել պարբերությունները։ Հաճախ ընդհանրապես բացակայում է տեքստային ակնարկը։ Արդի ուսանողները պետք է՝

1. ստուգեն զուգահեռները
2. ստուգեն եբրայերեն համգավորումները
3. ստուգեն փոխկապակցված թեմայի նյութը (յուրաքանչյուր պարբերություն ունի մեկ գլխավոր թեմա)

## ԲԱՌԵՐԻ ԵՎ ԱՐՏԱՀԱՅՏՈՒԹՅՈՒՆՆԵՐԻ ՈՒՍՈՒՄՆԱՍԻՐՈՒԹՅՈՒՆ

### NASB (ԹԱՐՄԵՅՎԱԾ) ՏԵՔՍ. ՍԱՂՄՈՍ 21:1-6

<sup>1</sup>Ո՛վ ՏԵՐ, թագավորն ուրախանալու է Քո զորությամբ

Ու Քո փրկությամբ որքան շատ է ցնձալու։

<sup>2</sup>Նրա սրտի ցանկությունը տվեցիր նրան

Ու նրա շուրթերի խնդիրքը չմերժեցիր։ Սեյա։

<sup>3</sup>Քանի որ ամենաընտիր օրհնություններով հասար նրան .

Նրա գլխին մաքուր ոսկուց թագ դրեցիր։

<sup>4</sup>Քեզնից կյանք խնդրեց, ու նրան երկար օրեր տվեցիր

Հավիտյանս հավիտենից։

<sup>5</sup>Նրա փառքը մեծ է Քո փրկությամբ .

Պատիվ ու մեծություն դրեցիր նրա վրա։

<sup>6</sup>Քանզի նրա վրա հավիտենական օրհնություն դրիր,

Քո ներկայությամբ խիստ ուրախացրիր նրան։

**21:1** Ուշադրություն դարձրեք հոմանիշ հանդիսացող զուգահեռականությունը «Քո զորությամբ» և «Քո փրկությամբ» խոսքերի միջև։

Տերմինը (BDB 447, ԻԳԱԿԱՆ ԵԶԱԿԻ), որը թարգմանված է փրկություն, ունի մի քանի հավանական նշանակություն՝

1. բարգավաճում՝ Հոր 30:15
2. ազատագրում, օգնություն՝ 2 Թագ. 10:11, 1 Մնաց. 19:12, Սաղմ. 22:1
3. փրկություն՝ Ծննդ. 49:18, Սաղմ. 3:2, 8, 14:7, 35:3, 53:6, 62:2, և շատ այլ համարներ
4. հաղթանակ՝ Ելից 15:2, Սաղմ. 20:6, 21:1,5, 44:4, 68:20-21, 118:14, 15, 21

ՅԱՀՎԵՆ մեր մեծ հույսն է և ուրիշը չկա բացի Նրանից։ Այս լույսի ներքո, հավատարիմ հետևորդները (այս համատեքստում Թագավորը) շարունակելու են՝

1. ուրախանալ – BDB 970, KB 1330, *Qal* ԱՆԿԱՏԱՐ, տես՝ Սաղմ. 9:2
2. ցնձալ – BDB 162, KB 189, *Qal* ԱՆԿԱՏԱՐ, տես՝ Սաղմ. 9:14

**21:2** Այս համարը կարծես թե կապված է 20:4-ի հետ և առնչվում է ռազմական հաղթանակի համար Թագավորի աղոթքի հետ:

Ուշադրություն դարձրե՛ք երկու զուգահեռ ՎԱՂԱԿԱՏԱՐ ԲԱՅԵՐԻՆ (այսինքն՝ կատարված գործողություն):

1. տվեցիր – BDB 678, KB 733, *Qal* ՎԱՂԱԿԱՏԱՐ
2. չմերժեցիր – BDB 586, KB 602, *Qal* ՎԱՂԱԿԱՏԱՐ

**NASB, NKJV,**

**NRSV**

**NJB**

**LXX**

**NEB**

«խնդրանք»

«աղոթք»

«ցանկություն»

«խնդրվածք»

Այս բառը (BDB 77, KB 92) միայն այստեղ է գտնվում ՀԿ-ում: Կարծես թե համատեքստում այն վերաբերում է պատերազմից առաջ ծիսական պատարագային աղոթքի, որը հավանաբար կատարվում էր խորանում՝ տաճարում:

❖ **«Սելա»** Տե՛ս Սաղմ.3:2-ի գրառումը և Սաղմոսների Ներածություն, VII բաժինը: Որոշ մեկնաբաններ կարծում են, որ այն վերաբերում է պաշտամունքի մի կետի, որտեղ անցում է կատարվում պաշտամունքի ժամանակ կատարվող մեկ այլ գործողության (այսինքն՝ փառաբանություն, երգ, գոհ, մեկ այլ ընթերցանություն, խոնարհում, և այլն):

**21:3-6** Սրանք ՅԱՀՎԵԻ կողմից Թագավորի համար իրականացվող գործողություններն են:

1. նրան բարի բաների օրհնություններով դիմավորելը (այսինքն՝ ՅԱՀՎԵՆ Ինքը դիմավորում է հաղթանակած թագավորին)
2. մաքուր ոսկուց թագ է դնում նրա գլխին (այսինքն՝ թագավորության վերահաստատում կամ պատերազմի սաղավարտի փոխանակումը արքայական թագի հետ)
3. աղոթում է նրա կյանքի համար (այսինքն՝ պատերազմի մեջ հաղթանակի համար)
4. նրա վրա է դնում՝

ա. պատիվ (BDB 217)

բ. մեծություն (BDB 214) Սրանք ՅԱՀՎԵԻ նկարագրություններն են (տես՝ 1 Մնաց. 16:27, Սաղմ. 45:3, 96:6, 104:1, 111:3), սակայն մարդկանց մեջ ՅԱՀՎԵԻ պատկերի պատճառով նրանք բաժնեկցում են այս հատկանիշները (տես՝ Սաղմ. 8:5):

5. նրա վրա հավիտենական (*'olam* պետք է թարգմանվի համատեքստում, տես՝ Հատուկ Թեմա Սաղմ. 9:5-ում, գրական զուգահեռը կլինի «կեցցե թագավորը», տես՝ 1 Թագ. 10:24, 3 Թագ. 1:25, 31, 34, 39, Դան. 2:4, 3:9) օրհնություն դրի:

6. Քո ներկայությամբ խիստ ուրախացրիր նրան

Միայն Թագավորը չէ, որ ընդունում է ՅԱՀՎԵԻ գործողությունները, այլ նրան միջոցով ամբողջ ուխտի ժողովուրդը:

**NASB (ԹԱՐՄԵՑՎԱԾ) ՏԵՔՍՏ. ՍԱՂՄՈՍ 21:7-13**

<sup>7</sup>Քանի որ թագավորը ՏԻՐՈՉՆ է վստահում,

Բարձրյալի ողորմությամբ չի սասանվելու:

<sup>8</sup>Քո ձեռքը գտնելու է Քո բոլոր թշնամիներին,

Քո աջ ձեռքն ի հայտ է բերելու Քեզ առողներին:

<sup>9</sup>Նրանց կրակի հնոցի ես նմանեցնելու Քո բարկության պահին.

ՏԵՐՆ Իր գայրոյթով կլանելու է նրանց,

Ու կրակն է լափելու նրանց:

<sup>10</sup>Նրանց պտուղը վերացնելու ես երկրի երեսից

Ու նրանց սերունդը մարդկանց որդիների միջից:

<sup>11</sup>Քանի որ Քո դեմ չարություն ծրագրեցին,

**Նենգություն խորհեցին, որը չեն կարողանալու իրագործել:**

<sup>12</sup>Ահա թե ինչու ես Դու նրանց թիկունքով շրջելու,

**Երբ Քո աղեղի լարերը նրանց դեմքին ուղղես:**

<sup>13</sup>Ո՛վ ՏԵՐ, փառավորվի՛ր Քո գործությամբ,

**Մենք երգելու ու փառաբանելու ենք Քո հզորությունը:**

**21:7 «Թագավորը ՏԻՐՈՋՆ Է վատահում»** Սա հաստատություն է թագավորի հավատքի կողմնորոշման համար (BDB 105, KB 120, *Qal* ՆԵՐԳՈՐԾԱԿԱՆ ԴԵՐԲԱՅ, տես՝ Սաղմ. 4:5, 9:10, 13:5, 22:4, 5, 9, և այլն): Թագավորը գորություն, ուրախություն, և փրկություն ունի միայն ՅԱՀՎԵԻ միջոցով:

❖ **«Բարձրյալի ողորմությունը»** Հատուկ ուխտի տերմինը՝ «ողորմություն, գթասրտություն» (*hesed*, BDB 338, տես՝ Հատուկ Թեմա. Գթասրտություն) նշանակում է ՅԱՀՎԵԻ ուխտի հավատարմություն: ՅԱՀՎԵՆ միշտ հավատարիմ է, Թագավորը և ազգը նույնպես հավատարիմ կլինեն, եթե շարունակեն «վատահել» (BDB 105, KB 120) Նրան (տես՝ Սաղմ. 125:1): Նենմիա 9-րդ գլուխը ՅԱՀՎԵԻ հավատարմության և Իսրայելի անհավատարմության մասին արձանագրություն է:

«Բարձրյալի» (*Elyon*, BDB 751) համար տես՝ Հատուկ Թեմա. Աստծո անունները:

**NASB, LXX,**

**JPSOA**

**NKJV, NRSV**

**TEV**

**NJB**

**«նա չի սասանվի»**

**«նա չի շարժվի»**

**«նա միշտ ապահով կլինի»**

**«կպահի նրան ընկնելուց»**

ԲԱՅԸ (BDB 556, KB 55, *Niphal* ԱՆԿԱՏԱՐ) նշանակում է «ցնցվել» «երերալ» կամ «սայթաքել»: Այն կարող է կիրառվել մի քանի իմաստով՝

1. գահի վրա տեղ
2. կյանքում ապահովություն
3. աստվածահաճո ապրելակերպ

Տարբեր իմաստները տեսնելու համար տես՝ Սաղմ. 10:6, 15:5, 16:8, 21:7, 30:6, 62:2, 6, 112:6, Առակ. 10:30, 12:3: ՅԱՀՎԵԻ մեջ կա կայունություն՝ հաստատություն, բայց ոչ այս մեղավոր աշխարհում:

**21:8-12** Այս համարները նկարագրում են, թե ինչ է ՅԱՀՎԵՆ (այսինքն՝ թագավորի բանակի միջոցով) անելու, եթե թագավորն ու ժողովուրդը հավատարիմ մնան:

1. թշնամիների վրա իշխանություն կտա
2. քո թշնամիները կբնաջնջվեն
3. քո թշնամիները և նրանց սերունդները կկտրվեն և կանհետանան
4. քո թշնամիները չեն հաջողի իրենց ծրագրերում (այսինքն՝ ՅԱՀՎԵԻ թագավորի դեմ ծրագրելու և ուխտի ժողովուրդը պետք է ծրագրի Նրա դեմ, Սաղմ. 21:11ա, Սաղմ. 2:1-3, 83:1-5):
5. քո թշնամիները պատերազմի մեջ նահանջելու են

Որոշ գիտնականներ (AB) այս համարները դիտարկում են որպես ՅԱՀՎԵԻ գործողությունները պատերազմի մեջ Իր ուխտի թագավորի և նրա ժողովրդի համար նկարագրություն:

❖ **«ձեռք»** Սա երբայերեն դարձվածք է՝ գործողության գործությունը նկարագրող: Տես՝ Հատուկ Թեմա. Ձեռք:

**21:9 «ՏԵՐԸ նրանց կլանելու է»** Այս ԲԱՅԸ (BDB 118, KB 134, *Piel* ԱՆԿԱՏԱՐ) լիակատար բնաջնջման համար օգտագործվող դարձվածք է (տես՝ Հոբ 2:3, 10:8, Ողբ 2:2, 5, 8):

**21:13** Այս համարը եզրափակում է Սաղմոսը ՅԱՀՎԵՆ ուղղված փառաբանությամբ:

1. Փառավորվիր – BDB 926, KB 1202, *Qal* ՀՐԱՄԱՅԱԿՆ, տես՝ 2 Թագ.22:47, Սաղմ.18:46, 46:10, 57:5, 11, 108:5:
2. Երգելու ենք – BDB 1010, KB 1479, *Qal* ԸՂՁԱԿԱՆ
3. Փառաբանելու ենք – BDB 274, KB 273, *Piel* ԸՂՁԱԿԱՆ

❖ «**Քո հզորությունը**» Այս մանտրան սկսում է Սաղմոսը (տես՝ Սաղմ.21:1) և ավարտում (տես՝ Սաղմ.21:13): Աստված է Աստվածաշնչի գլխավոր կերպարը: Այն Ի՛ր Գիրքն է, այն Ի՛ր մասին է:

## **ՔՆՆԱՐԿՄԱՆ ՀԱՐՑԵՐ**

Սա ուղեցույց հանդիսացող սերտողության մեկնաբանություն է, որը նշանակում է, որ դուք եք պատասխանատու Աստվածաշնչի ձեր մեկնաբանության համար: Մեզնից յուրաքանչյուրը պետք է քայլի իր ունեցած լույսով: Դուք, Աստվածաշունչը և Սուրբ Հոգին եք մեկնաբանության մեջ առաջին տեղում: Դուք չպետք է այն զիջեք մեկնաբանին:

Քննարկման այս հարցերը կազմվել են ձեզ օգնելու, որպեսզի մտածեք գրքի այս բաժնի գլխավոր հարցերի շուրջ: Դրանք մտածելու տեղիք տվող հարցեր են և վերջնական չեն:

1. Ինչպե՞ս են Սաղմոս 20 և 21-ը կապված:
2. Արդյո՞ք Սաղմ.21:4 ակնարկում է հավիտենական կյանքը:
3. Թվարկե՛ք Սաղմ.21:7-13-ում ռազմական տեսարանը: